



18 xullo de 2013. A [Fundación Biodiversidad](#) vén de seleccionar por segundo ano consecutivo a proposta de actuación de ADEGA no marco da iniciativa "[Playas, voluntariado y custodia del territorio](#)"

. Ademais de seguir divulgando a problemática das **especies invasoras**

, e a importancia de conservar os ecosistemas dunares, estas accións teñen por obxectivo aumentar a concienciación cidadá, divulgar e promover iniciativas de

custodia litoral

e facilitar ferramentas de conservación á cidadanía. Outros dos obxectivos é acadar un mellor estado ecolóxico dos ecosistemas dunares. As actividades do proxecto

Conservando as nosas dunas

para este ano, consistirán en

dúas xornadas de voluntariado ambiental

para a eliminación de flora exótica invasora que se realizarán os días

18 de xullo

(lagoas de Xuño e Muro, Porto do Son) e

10 de outubro

(praia da Corna, Pobra do Caramiñal).

Xa está aberto o prazo de inscrición

O **xoves 18 de xullo** as actuacións de voluntariado serán no concello de Porto do Son, co cal ADEGA ten asinado un convenio de **custodia litoral** para a preservación dos valores naturais deste concello. Esta xornada de eliminación de flora invasora será na **praia de Areas Longas**

traballándose tanto nas dunas como nas lagoas litorais de Xuño e San Pedro de Muro (pertencentes ao Complexo Húmido de Corrubedo). Deste xeito daremos continuidade aos traballos realizados na

[mesma iniciativa no 2012](#)

, e ás intervencións do programa

[Móllate polos humidais](#)

en 2011.

A segunda xornada de voluntariado, inicialmente prevista para o 23 de xullo, trasládase ao **10 de outubro**

, e será na

praia da Corna (Pobra do Caramiñal)

, onde realizaremos un ano máis labores de eliminación de flora exótica invasora. Esta praia ten

un ecosistema dunar ben conservado mais conta con numerosas ameazas que poñen en perigo tanto a flora como a fauna. Tamén é un dos lugares da nosa costa onde podemos atopar píllara das dunas (*Charadrius alexandrinus*) pequena ave considerada vulnerábel en Galiza. Esta actuación dará continuidade aos traballos realizados por ADEGA no

[Proxecto Corna](#)

, no que alén de eliminar flora exótica invasora, realizamos unha campaña divulgativa sobre o valor deste ecosistema e a necesidade de protección da píllara das dunas, continuando cos traballos de 2012 dentro do proxecto

[Conservando as nosas dunas](#)

ADEGA abre u xa o **prazo de inscrición** para estas dúas xornadas de voluntariado ambiental que se desenvolverán o 18 de xullo e o 10 de outubro para a conservación dos ecosistemas dunares.

Serán **actividades gratuítas** onde o voluntariado contará con **seguro de accidentes**, alén de ter cubertos os gastos de transporte e comida. As voluntarias e os voluntarios que queiran participar en calquera das dúas xornadas poden apuntarse ou pedir información no seguinte enderezo:

ramses@adega.gal

tlf: 616 238 050

Coa colaboración de:

